

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**D. Gebh. Theodori Meieri Theologi & Prof. in Academia
Julia Antichiliasmus Absolutissimus**

Meier, Gebhard Theodor

Helmstadii, 1696

§. LIII.

urn:nbn:de:bsz:31-105465

Wäntniß kein Mensch könne selig werden: Verum talia dicere non sufficit, sed probatione opus est. Multi profecto viri celeberrimi descensum Christi ad inferos in dubium vocarunt, quos hanc ob causam non statim graviter peccasse dicendum est, sed potius cum D. Luthero statuendum: Wenn ich von der Niederkahrt Christi zur Höllen so viel weiß / daß Christus der Höllen Gewalt zerstöhret / und dem Teuffel alle seine Macht genommen habe / so habe ich den rechten Kern und Verstand der Höllenfahrt Christi / und soll nicht weiter fragen noch klügeln / wie es zugegangen oder möglich sey. Tom. VII. Jenensi Germ. L. 77.

LIII. Alterum autem Dictum quod attinet, habetur illud 1. Petr. iv, 6. *Nam idcirco mortuis quaque evangelizatum fuit, ut judicarentur, secundum homines in carne, viverent autem secundum Deum in spiritu, omnium autem finis imminet.* Sensus huc redit: sicut tempore diluvii, cum Christus CXX. annis Spiritu suo per Noam impiis evangelizasset, & resipiscentiam eorum frustra expectasset, tandem diluvium mundo immisit, & finem impietati eorum imposuit: Ita nunc etiam finis totius orbis instat, ut incendio pereat, sicut tum temporis diluvio perit. Evangelizatum autem fuit tempore Noachi illis qui jam mortui sunt, ut damnarentur quidem secundum homines, seu in carne, id est, carnales illas cupiditates abjicerent, & propter illas abjectas hominum opprobria ferrent, & interim secundum Deum, seu spiritu, i. e. juxta Dei voluntatem, secundum internum hominem ac Dei spiritum viverent. Hoc modo sensus cum præcedentibus optime congruit, ut patet, si conferatur v. 4. Solet denique & pro remissione

sione peccatorum post mortem etiam afferri illud Christi Matth. xii. 32. *Non remittetur peccatum in Spiritum S. neque in hoc neque in futuro seculo*: Sed æque infelicitè hæc probatio succedit, atque illa, per quam furnum suum purgatorium loco adducto superstruere conantur Pontificii. Quippe verba hæc peccatum in Spiritum Sanctum ita exaggerant, ut, suffieri possit, quædam etiam peccati remissio in futuro seculo, eandem tamen peccato in Spiritum S. ibi concedi posse negent, prout jamdudum optimi nostratium Exegetarum contra Pontificios evicerunt.

LIV. Apparet ita, quod nec illud effugium universalitatem futuræ resurrectionis in adventu Christi possit infringere: Sed neque hoc prætereundum est, quod pro resurrectione mortuorum particulari ex *Dan. xii. 2* in Deductione Germanicâ urget D. Animadvertens. *Multi, scilicet, ex dormientibus resurgent.* Responsum est jam ante; Multos etiam poni pro omnibus, id quod ipse agnoscit §. 17. Deduct. sed urget, h. l. id fieri non posse propter præfixum Mem, imo contradictionem implicare. Omnes ex dormientibus resurgent, cum Ex particularitatem aliquam jam involvat. Respondeo breviter, positum esse hoc præfixum Mem ex Idiotismo Hebraico: Quippe solent illi, loco substantivi cum Adjectivo, haud raro adhibere duo substantiva per præfixum aliquod (potissimum per Mem, Lamedh, vel Beth) connexa, ut adeo hic Rabbim mijjeschene non significet: Multi ex dormientibus, sed Multi dormientes. Exempla similia hujus constructionis haud desunt: Ita in Ps. lxxx. 14. habetur: Chasir mijjaar Sus â sylva, id est sus sylvestris sive aper. Et Prov. vii. 19. extat Derech merachok: Via â longinquo, id est via longinqua. Item Ps. xvi. 4. Non libabo sacrificia illorum a sanguine, id